



## Poesia del vino sincero

Dedico questa mia zirudella a chi ama bere il buon vino sincero

” E vein sincér ”

Una dmendga tre amigh i decid d'andè a magné,

a tna bètla ad Murzèn du chi feva e castred,

apén arvat in te luchél,

lór iha dmand sóhti un buchél:

“A m'arcmand che e sia Sanzvés

ad che bon, pó us capés,

perchè nun cridì mu mè,

a sém zènta cu s'pis bé

e su n'è propia sincér

a n'vurésmi che u s'fès mèl !”

“ Ah, bon om stèm a santì,

se a gì che a v n'antandì,

a vidrì che e nost vein,

un putrà che fèv de bein...”

Dop un pò che i'aspitava,

mentre lór za i biasèva,

ec cl'ariva un cabarè,

tôt pin ?ep ad che castred:

“ Ecco quà mi bela zènta,

gì pó só ch'in v'acuntènta,

un castred cumè cl'è quest,

u n'si magna at nisun post,

e pó dop a m'savri dì,

quant che quest a l'avré fnì !”

Magna e magna i tre amigh,

dop dò óri i l'éva fnì:  
“ Ah sgnureina de luchél,  
cla sia bona un ent buchél ... ”  
E zó a bé cumè di sción,  
quant chi s'elza i n'vdiva lóm;  
a fadiga i tré amigh,  
i ?archeva da stè in pid,  
e quantè cl'è stè pó l'ora,  
che dla porta iè scalp fóra,  
in savéva pió du andès,  
imbriégh cum ch'iéra adès,  
a sla boca impasteda,  
iha tachè a fè na canteda,  
sal paroli cóm giv quel,  
che li n'deva propia invel  
e ilé drèinta te paés,  
i n'saveva pió cos fès...  
Sin al sì a dla mateina,  
l'è andè aventi cla manfrèina;  
fina a che i raz de sól,  
i iha smòrt tôt i bulór  
e pansénd me vein bivud,  
iha biastmè per vint minut.  
Da cla volta cridim pó,  
che a t cla betla i n'è andè pió  
è de vèin snò un bicir  
è pó anche ad che ligir...

Luciano Monti

[Read More](#)

---